

կաս . 3 չապիկ : Ս . Յովհաննէս եկեղեցւոյ՝ 1 լէ՛հ չիթ վարագոյր . 1 տիպայ գոգնոց : Ս . Թորոս եկեղեցւոյ՝ 1 արծաթ ոսկեզօծ սկիւն . 1 տիպայ գոգնոց : Ս . Հրեշտակապետ եկեղեցւոյ՝ 2 տիպայ գոգնոց . 1 լէ՛հ չիթ վարագոյր . 2 քարեայ աշտանակը մոմեղինօք : Ս . Փրկիչ եկեղեցւոյ՝ 1 տիպայ գոգնոց . 1 զոյգ քարեայ աշտանակ մոմեղինօք : Ս . Աստուածածնի գերեզմանին՝ 1 տիպայ գոգնոց . 1 սաղավարտ . 1 վարչամակ . 3 չապիկ : Ս . Ծննդեան եկեղեցւոյն՝ 1 շուրջառ . 1 սաղավարտ . 1 վարչամակ . և չապիկ . 1 լէ՛հ չիթ վարագոյր : Ս . Գէորգ եկեղեցւոյն՝ 1 ի մեմէ՛ 1 շուրջառ . 1 սաղավարտ . 1 վարչամակ . 1 փորուրար . 3 չապիկ . 1 արծաթ բուրվառ : Ս . Նիկողայոս եկեղեցւոյն Յոպայէի՝ 1 շուրջառ . 1 սաղավարտ . 1 վարչամակ . 1 փորուրար . և չապիկ . 1 լէ՛հ չիթ վարագոյր : Իսկ բարեպաշտունի տիկինն Նորին Սողովմէ՛ արար յիշատակ զՎերնատունն կանանց՝ 1 տաճարին Ս . Յարութեան՝ 2 տիպայ գոգնոց . 1 չիթ լէ՛հ վարագոյր , քանդակագործ և ոսկիզօծ շրջանակն պատկերի Խաչելութեան հանդէպ Գերեզմանին Քրիստոսի , որոց յիշատակքն օրհնութեամբ եղիցի , (1751) :

Ի սմին ամի պատահեցաւ դարձեալ վէճ ընդ այլազգիս Սիոնի սակս գերեզմանատան , զի որդիք եւ ժառանգք Շէյխ Ահմէտ Տէճէնեայ բողոք բարձեալ առ դատաւորն , ամբաստան եղեն զերից ազգաց քրիստոնէից , Հայոց , Յունաց , եւ Լատինաց , իբրու թէ խոտորեալ են յորոշեալ սահմանաց գերեզմանատանց , եւ մտեալ ՚ի սահմանս կալուածոց հաւուն իւրեանց , թաղեն անդ զմեռեալս , և թէ սահմանքն այնոքիկ որոշեալ էին ՚ի թուին 1174 օրինօք դատարանի առաջի փոխանորդաց երից ազգաց , և խընդրեցին վերստին ելանել ՚ի քննութիւն , և ՚ի բաց հանցեն ՚ի գերեզմանաց զմեռեալս , զորս թաղեալ են արտաքոյ սահմանացն , և ըստ օրինի կարգաւորել զգերեզմանատեղիս : Կոչեցան ՚ի դատարան փոխանորդք և թարգմանք երից ազգաց . Յովհաննէս վարդապետ և թարգմանն Պօղոս ետուն պատասխանի՝ քրիստոնեայք ոչ են յափշտակեալ զիրաւունս այլոց , և ոչ խոտորեալ ՚ի սահմանաց իւրեանց , զի ՚ի ժամանակին յայնմիկ նախնիք ձեր ոչ կամեցան ունկն դնել ձայնի քրիստոնէից , այլ ինքեանք որոշեցին զսահ-